








# Der öffentlichen Prüfung

aller Klassen des Delb'nischen Gymnasiums

am 21ten und 22ten März 1839

ladet ergebenst ein

der Director Dr. Lange.



## Inhalt:

- 1) Observationes criticae in Iliadis librum primum. Vom Director.
  - 2) Schulnachrichten.
- 

Delb 1839, Druck von Adolph Ludwig.



# Observationes criticae

in

## Iliadis librum primum.

---

**T**anta est hodie quoque Frid. Aug. Wolfii auctoritas, tanta eius viri admiratio, ut Wolfiana carminum Homericorum editio omnibus paene numeris absoluta perfectaue plerisque videatur. Atque haec non modo semidoctorum hominum opinio est, quippe qui in verba magistri facile jurent, sed etiam judicium virorum apprime doctorum, ut Spitzneri, qui in Epistola ad Godofr. Hermannum data haec pronuntiat: „Jam nemo ignorat Frider. Aug. Wolfium, Homeri conservatorem, Iliadem potissimum tanta industria tantaque subtilitate pertractasse et ad librorum auctoritatem ac grammaticorum praestantissimorum praecepta examinasse, ut editori futuro nihil paene relictum esse videretur.“ Qua in persuasione hoc tamen mirari sinit, quod idem vir doctus in sua Homeri editione haud raro a Wolfio dissensit, aliasque lectiones Wolfianis praetulit. Et hoc quidem recte. Nam in ista immodica Wolfii admiratione verendum est, ne auctoritati eius viri plus concedamus, quam vel praestantissimi viri auctoritati concedere liceat. Mihi quidem, etsi Wolfium de carminibus Homericis optime meruisse, et melius quam universos priores editores, minime nego, eiusque viri ingenium et doctrinam suspicere soleo, vulgaris tamen opinio, in Wolfiana editione subsistendum acquiescendumque esse, perversa atque adeo perniciosa litteris videtur. Nam Wolfius inprimis duabus in rebus, mea quidem sententia, editoris muneri et officio parum satisfecit. Quarum altera est, quod vulgatam lectionem, quamquam permultis in locis merito rejecit, non raro tamen injuria relegavit, aut in locum eius non meliorem, quam offerebant codices, lectionem, sed conjecturam aliquam aut aliorum criticorum aut suam praeter necessitatem substituit. De altera re, quae latius patet, paulo copiosius dicendum est. Wolfius, quamquam codicibus carminum Homericorum et editionibus typis expressis longe alios fontes ipse praeposuit, partim scriptorum eorum, qui Alexandrinos criticos aetate antecedentes Homerica laudant, imitantur, explicant, partim Scho-

litorum, et jure praeponit (Proleg. ad Hom. p. 14 seq. Praef. novae ed. p. 38 seq. et 42): antiquissimis tamen illis testimoniis in textu constituendo obsequi fere noluit, sed illud ei unum propositum fuit praecipue, ut Homeri textum talem exhiberet, qualis Longino alicui, aut alii veteri critico saeculi post Chr. n. tertii aut quarti satis placiturus fuisse videretur (Proleg. p. 21. Praef. n. ed. p. 36). Id cur sibi proposuerit vir clarissimus, me nescire, ingenue confiteor. Tametsi enim poetam ne antiquissimorum quidem testimoniorum subsidio ad principalem et suam formam omnino reduci posse facile concedo, iisdem tamen, quippe quorum et numerus et praestantia multo major sit, quam vulgo creditur, Homerum multo propius ad veritatem integritatemque textus redigi posse, unusquisque, qui ea bene cognita perspectaque habet, facile intelligit. Quare mea quidem sententia est, omnes eas antiquas lectiones postliminio quodam reverti oportere, quae aut praestantia sua antecellant vulgatis, aut certe nullis idoneis ex causis postponentur.

Data igitur scribendi occasione, ut specimen edam novae Iliadis recensitionis, quam ex nonnullis annis praeparo, de iis libri primi Iliadis locis disputabo, in quibus a Wolfii iudicio discedere aut hac aut illa causa cogor. Elegi vero primum librum, non quo saepius in eo quam in ceteris a Wolfio dissiderem, sed quia rarius. Angusti enim fines, qui mihi hodie constituti sunt, ut brevioris disputationem anteferam longiori, magnopere suadent.

4 seq. haec vulgo leguntur:

*αὐτοὺς δὲ ἐλώρια τεῦχε κύνεσσιν,  
οἰωνοῖσί τε πᾶσι. Διὸς δ' ἐτελείετο βουλή.*

Quid πᾶσι hoc loco ad sententiam accuratius explicandam valeat, nemo facile demonstrabit. Nemo certe adhuc demonstravit. Nam qui annotant, πᾶς pro παντοῖος interdum dici, nihil faciunt, cum non illud quaeratur, sed hoc, num ex huius loci ratione πᾶσι apte dicatur. Suspicio eo augetur, quod in omnibus similibus locis (Il. II. 393. IV. 237. VIII. 379. XI. 818. XIII. 233. 831. XVI. 836. XVII. 127. 558. XVIII. 271. XXII. 42. 89. 335. 354. 509) id supervacuum additamentum non reperitur. Qua re moti quidam graecorum criticorum post οἰωνοῖσί τε interpunxerunt, et πᾶσι cum subsequenter verbis copulaverunt, id quod hodie nemo probabit. Bentleius vero ad conjecturam confugiens κύρμα proposuit: haud inepte, nam ἔλωρ et κύρμα conjunguntur: Il. V. 488. XVII. 151. Od. III. 271. V. 473. Sed in antiquissima Zenodoti editione δαῖτα lectum est, quod, cum Zenodotus hunc versum habuerit spurium (vide Scholl.), e prioribus editionibus in Zenodoteam transiisse pro certo duco. Vituperant quidem Atheniens (I. c. 21. p. 12 f.) et Eustathius (I. p. 19, 45) Zenodoti lectionem, quia δαῖς hominum non bestiarum sit, sed falsam esse hanc opinionem Homerus ipse altero etiam loco ostendit: Il. XXIV. 43 ubi de leone sermo

est, qui εἰς ἐπὶ μῆλα βροτῶν, ἵνα δαῖτα λάβῃσιν. Accedit, quod recentiores scriptores eam vocem saepius de bestiarum pastu usurpare in vulgus notum est. Cur igitur eundem usum ab Homero abjudicemus? Porro, isti antiquae lectionis reprehensionem, non ab Athenaeo et Eustathio, sed ab Alexandrinis criticis profectae, vulgatam lectionem originem debere, facile est intellectu. Quid de altero illo loco statuerint Alexandrini critici, nescimus: si, quod Lehrs (Arist. p. 96) conjicit, Aristarchus βροτῶν δαῖτα conjunxerit, male prospexit Homero princeps criticorum.

20 olim legebatur:

παῖδα δέ μοι λύσαιτε φίλην, τὰ δ' ἄποινα δέχεσθε.

Wolfius et Heynius ex Scholiis nonnullisque codd. δ' ἐμοὶ acciverunt. Recte, nam ὑμῖν et ἐμοὶ opposita sibi sunt. Cetera vero nihil habent, quod jure offendat. Vide II. III. 73 οἱ δ' ἄλλοι φιλότητα καὶ ὄρνια πιστὰ ταμόντες, ναίοιτε Τροίην ἐριβώλακα τοὶ δὲ νεέσθων. 159 ἀλλὰ καὶ ὥς, τοίη περ εὐδ', ἐν νηυσὶ νεέσθω, μηδ' ἡμῖν τεκέσθι τ' ὀπίσσω πῆμα λίποιτο. VI. 164 τεθναίης, ᾧ Προῖτ', ἧ κἀκτανε Βελλεροφόντην. Od. II. 230 et V. 8. μήτις ἔτι πρόφρων ἀγανὸς καὶ ἥπιος ἔστω σκηπτοῦχος βασιλεὺς .... ἀλλ' αἰεὶ χαλεπὸς τ' εἴη καὶ αἴσυλα ῥέζοι. VIII. 413 καὶ σύ, φίλος, μάλα χαῖρε, θεοὶ δέ τοι ὄλβια δοῖεν. Plures locos adscribere taedet. Verumtamen, cum Scholl. BL. et codices multi, in iis Ven., δέχεσθαι offerant, infinitivo recepto ita legendum esse arbitror:

παῖδα δ' ἐμοὶ λύσαιτε φίλην, τὰ δ' ἄποινα δέχεσθαι.

Eandem optativi et infinitivi consociationem inveni II. II. 413 μὴ πρὶν ἐπ' ἡέλιον δῦναι .... πολέες δ' ἀμφ' αὐτὸν ἐταῖροι πρηνέες ἐν κονίῃσιν ὁδὰξ λαζοῖατο γαῖαν. Od. VII. 222 ὑμεῖς δ' ὀτρύνεσθαι .... ἰδόντα με καὶ λίποι αἰὼν κτῆσιν ἐμήν. Quapropter non indigemus Apionis et Herodori conjectura, quam Eustathius nobiscum communicat: Ἀπίων καὶ Ἡρόδωρος, ὧν βιβλίον (ὑπομνήματα aliis locis nominat) εἰς τὰ τοῦ Ὀμήρου φέρεται, διδόναι καὶ ἀπαρεμφάτως γράφεσθαι. παῖδα δέ μοι λύσαιτε φίλην, τὰ δ' ἄποινα δέχεσθαι. Quam conjecturam insuper inepte explicant. Jubent enim A. et H. infinitivos cum δοῖεν, et ἀζόμενοι cum Ἀτρεΐδαι conjungi. Rectius infinitivos explicavit, istamque conjecturam tamquam doctam in textum recepit Heynius. Recepit etiam Wolfius et suam addidit conjecturam τὰ τ' pro τὰ δ', sic locum constituens:

παῖδα δ' ἐμοὶ λύσαιτε φίλην, τὰ τ' ἄποινα δέχεσθαι.

Sed Wolfii conjectura non magis necessaria est, quam Apionis et Herodori, quoniam τὲ non semper τὲ particula aut καί, sed etiam δὲ sequitur. II. V. 359 φίλε καθίγνητε, κόμισαί τέ με, δὸς δέ μοι ἵππους. Quo loco quod hodie legitur τέ μοι, Barnesii conjectura est. At de connexionione particularum τέ ... δὲ hodie omnia notissima sunt. Conf. Herm. ad Vig. p. 836, ad Eur. Med. 431. Soph. Aj. 823. Schaeef.

Curio. Neglo  
an δαῖτα son  
νάν οἷτα.  
ἐπὶ τοῖς δαῖται  
ἐπὶ τῶν ἐξέ  
ταῖς (12, 5)



ad Dion. Hal. de comp. verb. p. 192 seq. Seidler. ad Eur. Iphig. Taur. 1381. Stallb. ad Plat. Phil. p. 36. Matth. ad Eur. Or. 192 et in Gramm. §. 626. Nihil igitur conjecturis opus est nostro in loco, nec maiorem auctoritatem Apionis et Herodori conjectura eo adipiscitur, quod Maximus Planudes. (v. Bachmanni Anecd. II. p. 67, 32) eam repetit, Byzantinus grammaticus.

34. Secundum vulgarem lectionem ἀκίων, Chryses tacens, nimirum Agamemnonis iram timens, abiisse dicitur. Sed si reputaveris, patrem ob filiam sibi recusatam summo dolore affectum esse, Zenodoti lectionem ἀχέων huic loco aptiorem esse vix negabis. Ipse Wolfius (Proleg. p. 212) ἀχέων probavit. Cur igitur non recepit?

56. In Zenodoti editione ὀρήτο et hic et I. 198 repertum est, quod ut Doricum Scholiastae improbant, Zenodotum inscitiae arguentes: ὀρήτο Ζηνόδοτος, ἀγνοήσας τὸ τῆς διαλέκτου ἰδίωμα ὡς Ἰωνικὸν ἐξέδετο. ἔστι δὲ Δωριον. Sed bene Zenodotum defendit Buttmannus in Gramm. I. §. 105. ann. 15. §. 106. ann. 7, cuius expositio lectu dignissima est. Accedit, quod Od. XIV. 343 (cf. Eustath.) ὀρῆται, non ὀρηται, olim scriptum fuit. Neque verum, contractionem vocalium  $\bar{ae}$  in  $\bar{\eta}$  ab Jonibus in verbis contractis alienam fuisse. Nam Hippocrates ea utitur semper, ac ne Herodotus quidem ea plane se abstinet. Itaque, licet aliis locis ὀρᾶται, ὀρᾶσθαι et similia in nostro quidem textu reperiantur, cur illae praeae orationis reliquiae aspernandae sint, non video, praesertim cum Aristarchum demum vulgarem in  $\bar{a}$  contractionem in Homericis carmina induxisse verisimile sit. *Idem sentit Wolfius in Schedd. crit. I. p. 170 seq.*

68. Vulgo legitur κατ' ἄρ' ἔζετο. Sed Zenodoti lectio fuit ἐκαδέζετο, quam Schol. A his verbis rejicit: οὐκ ἐᾷ (Ζηνόδοτος) ἐλληνίζειν τὸν Ὅμηρον, ὥσπερ γὰρ οὐδὲ λέγει ἐκατέβαινε, οὕτως οὐδὲ ἐκαδέζετο. At mirum quantum fallitur bonus interpres. Graece ergo non loquuntur omnes ii seriores scriptores, qui hac forma usi sunt! Nec levior est alter Scholiastae error, quod in ἐκαδέζετο duo augmenta inesse putat. Prudentius Buttmannus (in Gramm. I. §. 86. ann. 2 et in Lexil. I. 278. II. 273) negat compositorum verborum praepositioni augmentum in Homericis anteponi. Sed obstat eius sententiae locus Od. XVI. 408, ubi hodie quoque ἐκάδιζον reperitur, obstat Zenodotus, qui non solum hic ἐκαδέζετο, sed etiam II. I. 611 ἐκάδευδ', et XV. 716 ἐμεδίει servavit, refragantur Scholl. ad Od. III. 402. et ad VI. 1, qui ἐκάδευδε II. cc. olim lectum fuisse testantur. Verisimile igitur est, Aristarchum, augmenti adversarium, horum verborum augmentum in exilium misisse. Quae cum ita sint, et hoc loco, et ubicunque versus noster redit, ἐκαδέζετο revocandum esse censeo.

Subsequuntur haec verba

τοῖσι δ' ἀνέστη

Κάλχας Θεσπορίδης, οἰωνοπόλων ὄχ' ἄριστος.

In Zenodoti editione μάντις Θ. extabat. Adversatur Zenodoto, ut solet, Schol. A: οὐ δύναται δὲ τῷ γένει τὸ εἶδος ἅμα συγκατατίθεσθαι. At saepe fit, ut generi species apponatur. Vide II. I. 62. II. 144 seq. 396. 480. III. 54. IV. 49. V. 122. 723. XIV. 227. XXIV. 221. Nulla igitur idonea causa adest, cur Zenodoti auctoritatem repudiemus.

Vs. 73. Quem versum hoc loco editiones nostrae praebent:

ὃ σφιν ἐϋφρονέων ἀγορήσατο καὶ μετέειπεν,

omnibus locis, quibus iteratur (II. I. 253 II. 78. 283. VII. 326. 367. IX. 95. XV. 285. XVIII. 253. Od. II. 160. 228. VII. 158. XVI. 399. XXIV. 53. 453), admonitionem aut adhortationem indicat, quae ad totam contionem pertineat, non ad singularem aliquem hominem. Quapropter facere non possum, quin iterum Zenodoti lectionem

ὅς μιν ἀμειβόμενος ἔπεα πτερόεντα προσηύδα,

reducendam esse arbitrer. Suppetias fert simillimus locus: II. VII. 354:

Ἦτοι ὄγ' ὥς εἰπὼν ἐκαδέζετο· τοῖσι δ' ἀνέδθη

δῖος Ἀλέξανδρος, Ἑλένης πόσις ἠϋκόμοιο·

ὅς μιν ἀμειβόμενος ἔπεα πτερόεντα προσηύδα·

Ἀντήνορ — —

80. κρείσδων γὰρ βασιλεὺς vulgo legitur. Sed Zenodotus et hic et III. 71. 92. XVI. 688 κρείσσω, I. 249 γλυκίω, VII. 114 et Od. II. 180 ἀμείνω sine ἡ nobis offert, et a Zenodoto stant tres codices: Lips. 1 et 2 et Amst. qui et ipsi κρείσσω exhibent. Hanc priscam Homeroque dignam comparativi formam bene tueretur Buttmannus in Gramm. I. §. 56. ann. 11; eamque restituendam esse existimo, quamvis Scholiastes A priscæ linguae ignarus eam rejiciat.

Transeo nunc ad locum quendam, qui tum veteres tum recentiores criticos magnopere exercuit. Quorum discordiam ut componam, liceat mihi primum eum ita exhibere, ut ante Wolfium in editionibus vulgaribus traditus fuit. Dico v. 97.

οὐδ' ὄγε πρὶν λοιμοῖο βαρείας χεῖρας ἀφέξει.

Quae ad verba Eustathius annotat: διχῶς νοεῖται· ἢ γὰρ ὅτι οὐκ ἂν Φοῖβος τοῦ κατ' ἡμῶν λοιμοῦ τὰς ἑαυτοῦ χεῖρας ἀπόσχη, ἢ ὅτι οὐκ ἂν τὰς τοῦ ἀποτροπαίου θεοῦ Λοιμοῦ χεῖρας (Λοιμοῖο igitur scribebant, qui hanc explicationem praeferebant) ἀποκωλύσῃ ἡμῶν. Quarum explicationum prior si vera est, hoc dicit Calchas: „Non prius a pestilentia (excitanda) manus suas Apollo arcebit.“ Sed licet Vossius (Sched. critt. I. p. 174) et Spitznerus huius interpretationis patrocinium in se receperint, Homeri usum loquendi parum ei favere fatendum est. Etenim locorum, qui tamquam similes laudantur, alter: II. VI. 96 αἶ κεν Τυδέος υἱὸν ἀπόσχη' Ἰλίου ἱρής, hanc habet sententiam: „Si forte Diomedem, ne Ilium expugnet, retineat.“ Atque Od. XXII. 316 ἀλλά μοι οὐ πείθοντο κακῶν ἀπὸ χεῖρας ἔχεσθαι, medium

positum esse, non est praetermittendum. Alteram igitur ab Eustathio traditam interpretationem equidem amplector, pace Spitzneri, qui eam vanam compellat. Nam etsi Apollo ipse sagittis pestilentiam Aclivis immisit, Calchanti tamen licuit suspicari, *Λοιμόν*, i. e. daemonem pestilentiae ab Apolline missum esse, licuit etiam poetae alterum phantasma alteri substituere. Cuius variationis luculentum exemplum afferam. Apollinem ipsum Patroclo perniciem paravisse poeta narrat II. XVI. 787 seqq. Verumtamen Patroclus moribundus v. 849 ait: *ἀλλά με Μοῖρ' ὀλοή καὶ Λητοῦς ἔκτανεν υἱός*, et XXIII. 78 *ἀλλ' ἐμὲ μὲν Κῆρ ἀμφέχανε στυγερή*. Porro, cum sint qui dubitent, num *λοιμοῦ* daemonem Graeci crediderint, auctor est gravissimus Sophocles, qui in Oedipo Rege v. 28 Thebarum regem ita facit sermocinantem: *ὁ πυρφόρος θεὸς σκίψας ἐλαύνει, Λοιμὸς ἔχθιστος, πόλιν*. Res ad liquidum perducitur loco II. XXI. 548, ubi Apollo Agenori adstitit: *ὅπως Θανάτοιο βαρείας χεῖρας ἀλάλκοι \**). Ita amphiboliam illam ab Eustathio traditam nullam esse, satis demonstravisse mihi videor. Tamen ea jam antiquis temporibus gravis mutationis causa fuit, id quod ex Schol. A. verbis cognoscimus: *Δαναοῖσιν ἀεικέα λοιγὸν ἀπώσσει. σὺ τῶς αἰ' Ἀριστάρχου, καὶ ἡ Μασσαλιωτικὴ δέ, καὶ ἡ Ῥιανοῦ τὸν αὐτὸν ἔχει τρόπον. ἔοικεν οὖν ἡ ἑτέρα Ζηνοδότου εἶναι, ἡ οὐδ' ὄγε πρὶν λοιμοῖο βαρείας χεῖρας ἀφέξει*. Mutatione, non interpretatione, difficultatem pars criticorum tollere studebat. Ad conjecturam confugit etiam Marklandius, qui ad Lys. p. 592 *Κῆρας* pro *χεῖρας* scribi iussit, quae conjectura in ordinem a Wolfio recepta est: „At nusquam, inquit Freytagius, neque apud alios poetas inveniuntur *βαρεῖαι Κῆρες* (nisi ex conjectura positae II. XXI. 548), nusquam *Κῆρες λοιμοῖο*, nusquam *Κῆρας ἀπέχειν*. Contra *χεῖρες βαρεῖαι* satis frequenter, velut hoc ipso libro v. 89 et 219.“ Confer notam meam.

*ἔειπαν, αὐτὴν ἔειπον, praeter ἡ γὰρ εἶπες* Ante Wolfium II. I. 106 et 108 *εἶπας*, I. 552. XXIV. 379 *εἶπας*, Od. III. 427 XXI. 198 *εἶπατε*, sed II. I. 286 III. 204. IV. 25. VIII. 146. 209. 462. IX. 59. X. 169. XIII. 824. XIV. 330. XV. 206. XVI. 49. 440. XVII. 170. 173. 716. XVIII. 361. XXII. 178. XXIII. 626. Od. II. 85. III. 211. IV. 266. VIII. 166. XIII. 141. 417. XVII. 406. XVIII. 170. XX. 37. XXII. 486. XXIV. 339 *εἶπες*, et II. XXIV. 744 *εἶπες* vulgo lectum est. In codicibus ubique magna est varietas. Wolfius, ut in Iliade saltem hanc discrepantiam tolleretur, II. I. 106. 108 *εἶπες*, I. 552. XXIV. 379 *εἶπες* scri-

\*) Scripsi *Θανάτοιο* maiore littera initiali, quod jamdudum fieri debebat. Barnesius conjecit *Κῆρας*, quod Wolfius in textum recepit. Sed *βαρεῖαι Κῆρες* omnibus poetis ignotae sunt, notissimae *βαρεῖαι χεῖρες*. Vide II. I. 89. 97. 219. V. 81. XIII. 410. XVII. 48. XXI. 548. 590. XXIII. 687. Atque quid causae fuit Barnesio, cur manus a daemone abjudicaverit? *Θάνατος* et *Ῥήνος* II. XVI, 672 — 683 Sarpedonem occisum in Lyciam transportant. Quod qua tandem ratione peragunt sine manibus?

psit, sed in *Odyssaea* εἶπατε reliquit. Sed cum Aristophanes et Aristarchus (Scholl. ad II. I. 106. 108. Od. III. 427) primum aoristum antetulerint, atque omnibus Graecis alteram primi aoristi personam in usu fuisse satis constet, Aristophanis et Aristarchi iudicio obsequendum esse censeo. *Assentitur Vossius in Sched. critt. I. p. 175.*

Olim v. 108 οὐδέ τι .... οὐδ' vulgata lectio fuit. Wolfius ex nonnullis codicibus οὔτε τι .... οὔτ' assumpsit. Sed audiamus Scholiastas: A. οὐδέ τι πω εἶπας ἔπος, οὐδ' ἐτέλεσσας· οὕτως αἱ Ἀριστάρχου καὶ ἡ Ἀριστοφάνους, καὶ ἔστιν ἐμφατικὸν τὸ οὔτε (Heyn. corr. οὐδὲ) δις λεγόμενον. BLV. ἐμφατικὸν ἔστι τὸ οὐδὲ δις λεγόμενον, καὶ τὴν τῆς μαντείας τύχην λοιδορεῖ, ὥς εἴ τι καὶ χρηστὸν προσείποι, οὐκ εἰς ἀγαθὸν τελευτᾷ. Quorum criticorum et auctoritate et argumentis motus jam Spitznerus vulgatam reduxit. Rem conficit interpret Graecus ap. Bekkerum: ἀγαθὸν δὲ τινα οὐδέ πω εἶπας λόγον οὐδὲ ἐτελείωσας.

114 non οὐ ἔθεν ἔστι, sed οὐ ἔθεν ἔστι scribendum esse, certis argumentis Spitznerus effecit.

117 ὅον omnes codices exhibere videntur. Cui tamen lectioni Scholiastarum testimonia obstant. BLV et Vat. ap. Benth. ἄπασαι σῶν εἶχον, καὶ συνάδει τῷ „νῦν τοι σῶς αἰπὺς ὄλεθρος“ (II. XIII. 773), et A. οὕτως, σῶν, αἱ Ἀριστάρχου, οὐ διηρημένως ὅον. Cur tantis auctoritatibus non sit obsequendum, non video. Assentitur jam Vossius in Sched. critt. I. p. 177.

124. οὐδ' ἔτι unde Wolfius sumpserit, parum liquet. Omnes libri in οὐδέ τι consentire videntur, idemque testantur Scholiastae. οὐδέ τι vide II. II. 871. V. 408. XI. 124. *Confer Vossii Sched. critt. I. p. 177*

168. Aristarcho et Herodiano ἐπεὶ κε κάμω scribentibus equidem assentior. Nam mira est vulgaris opinio, verbi κάμω reduplicatum, quem vocant, aoristum Homerum in conjunctivo, et in ea ipsa conjunctivi constructione, quae particulam ἄν sive κέ postulat, usurpasse, in ceteris modis διπλασιασμῷ abstinuisse. Itaque, cum nusquam κέκαμον, κεκάμοιμι, κεκάμεῖν inveniantur, κεκάμω Homerum dixisse non credo. II. VII. 5 ἐπὶν κεκάμωσιν vulgata quidem lectio est, sed Aristarchi lectio, quam servat cod. Ven., ibi fuit ἐπεὶ κε κάμωσιν. II. XVII. 658 etiam in nostris editionibus legitur: ἐπεὶ ἄρ κε κάμησι. Od. IX. 126. οἷ κε κάμοιεν νῆας.

191 Wolfius vulgatum ἐναρτίξοι retinuit. Perperam. Nam in ea interrogatione, in qua dubitandi vel deliberandi notio inest, optativi futuro nullus est locus: praesenti tempore aut aoristo opus est. Vide II. III. 317. V. 672. XVI. 651. Od. IX. 332. XVIII. 90. Xen. Anab. I. 9, 13. 10, 5. 10, 17. II. 3, 7. VII. 4, 10. Hell. IV. 4, 12. Quamobrem alteram lectionem ἐναρτίξοι Spitznerus et Freytagius praetulērunt. Sed ne haec quidem satis placet. Nam cum de re semel facienda, non de statu alicuius rei diuturno Achilles deliberet, aoristum requirimus. Atque aoristo usum esse Homerum,

et affirmant ceteri huius loci aoristi: ἀναστήσειεν, παύσειεν, ἐρητύσειε, et interpre-  
Graecus ap. Bekk. qui haec habet: αὐτὸς δὲ τὸν Ἀγαμέμνονα ἀνέλοι. Quid multa?  
Barnesii et Bentleji conjectura, quae recipiuntur, digna est. Ex ἐναρίζαι facillime in  
ἐναρίζοι et ἐναρίζει (quae est cod. Vrat. a lectio) calamus aberravit. ἐναρίζοι autem  
infelicem vulgatae correctionem esse suspicor.

203. Vulgata ante Wolfium fuit ἰδῆς, quam codicum pars tnetur. Altera a  
Wolfio recepta lectio est ἰδῆ. Hanc ad Aristarchum, illam ad Zenodotum referunt  
Scholl. ad h. l. et ad XIII. 449. Cur medium et hoc loco, et III. 163. IV. 205. XIII.  
449. XV. 32 praetulerit Aristarchus, indicat Schol. A ad III, 163 ὅτι χωρὶς τοῦ εἰ  
γράφειν ὁμηρικώτερον. Ni fallor Aristarchus non omnino activum medio posthabuit,  
sed hanc alteram conjunctivi activi personam. At haec opinio quanti aestimari potest,  
cum ei nullis argumentis internis nixae obstet antiquius Zenodoti testimonium? Wol-  
fius vero etiam in Odyssea Aristarcho obedivit, nisi quod Od. XV. 76 ἰδῆς intactum  
reliquit.

204. Omnes paene codices et lemma Schol. A praebent τετέλεσθαι ὁῖω, vulga-  
tam ante Wolfium lectionem. Aristarchus τελέεσθαι ὁῖω scripsit, ut videtur, ex conjectura,  
quia perfectum infinitivi temporis rationi parum consentaneum putabat. Sequitur Ari-  
starchum cod. Mosc. 2 et Isaac. Monachus in Bachm. Anecd. Gr. II. 183, 13. Nec  
vero haec sive lectio sive conjectura digna fuit, quae a Wolfio in textum reciperetur.  
Nam τελέεσθαι ὁῖω, confectum iri existimo, paululum friget, nec satis affectui  
huius loci accommodatum videtur. Fiducia maiore et graviore affirmatione opus est,  
quae perfecto infinitivi haud inepte redditur. Quare non reprehenderim eos, qui τετε-  
λέσθαι ὁῖω praetulerint. Sed nescio an τετελεσμένον ἔσται etiam aptius sit, quam le-  
ctionem Scholl. ABL nulla idonea de causa aspernantur: Ζηνόδοτος τὸ δὲ καὶ τε-  
τελεσμένον ἔσται· τοῦτο δὲ τῇ Ἀθηνᾷ ἀρμόζει μᾶλλον διαβεβαιούν. Achilli ergo  
non convenit? At II. II. 257 Ulixes iisdem verbis utitur! Quod Spitznerus asserit,  
Zenodotum v. 212 τετελέσθαι ὁῖω legisse, error est.

205. Vulgata lectio est: τάχ' ἂν ποτε θυμὸν ὀλέσση. Sed codd. Ven. Townl.  
L. et ms. Tz. ap. Bentl. ὀλέσθαι praebent, quod jam dudum reduci debebat, Nam  
optativum usus non solum Homeri, sed omnium Graecorum flagitat. Od. II. 76 τάχ'  
ἂν ποτε καὶ τίσις εἴη. Ac permulti sunt loci apud Homerum, in quibus τάχ' ἂν  
cum optativo constructum est: II. II. 373. IV. 290. VII. 158. XI. 654. XVI. 71. 723.  
XXII. 42 (ubi ἔδοιεν, Aristarchi lectio, restituatur necesse est) Od. XII. 387. XV.  
537. XVII. 164. XIX. 310. XXI. 374. XXII. 78. 134.

207. Codicum Ven. Vrat. A. Mosc. 2. Townl. auctoritate motus Wolfius παύ-  
σουσα τὸ σὸν μένος vulgatae π. τεὸν μ. substituit. Sed alter ieq̃ue simillimus lo-  
cus, II. I. 282 παῦε τεὸν μένος vulgatae opitulatur.

238 ἐν παλάμαις, pro ἐν παλάμῃς, optimorum codicum testimonio nititur: Ven. Townl. Lips. Vat. Barocc. Land. Mosc. I. Accedit Eustathius, et succurrunt II. XII. 284 ἀκταῖς. Od. V. 119. h. in Ven. 191 θαῖς. Reducenda igitur videtur haec in poesi epica rarior dativi forma.

251. Zenodoti lectionem αἶ οἱ praetulerim, non solum ob testis antiquitatem, sed etiam quod vulgata οἷ οἱ, auribus ingrata, correctionem redolere videtur eorum, qui ob τριτάτοιςιν solliciti fuerint.

260. Vulgatam ἡέπερ ὑμῖν tuentur omnes codices, praeter Ven., porro Hesych. v. ἡδη et interpr. ap. Bekk. Wolfius vero ex uno Ven. et Schol. A ἡέπερ ἡμῖν in recentissimam editionem recepit. Sed istam lectionem jejuno seniorum criticorum iudicio originem debere ex Schol. A verbis elucet: Ζηνόδοτος γράφει ἡέπερ ὑμῖν, ἀντὶ τοῦ ἡμῖν. ἐφύβριστος δὲ ὁ λόγος. διὰ δὲ τοῦ ἡμῖν καὶ ἑαυτὸν συγκαταριθμεῖ, καὶ πάντας τοὺς κατ' αὐτόν. Rejiciunt hanc subtilitatem Heynius, Vossius in Sched. critt. I. p. 187. Freytagius.

Versum 265 Wolfius primus uncis inclusit. Sed cum Vossius (p. 188) bene eum defenderit, vinculis liberatum volo.

269 μεθομίλεον Wolfius retinuit. Sed cum codd. Ven. et Vrat. a μέδ' ὁμίλεον offerant, atque ὁμιλεῖν μετὰ τινι secundum Homeri usum sit (Il. V. 86. 834. XI. 502), compositum autem verbum nullo alio loco redeat, Aristarchi auctoritatem sequor, μέδ' ὁμίλεον scribentis. Conf. Schol. A.

281 ὁδε Spitznerus et Freytagius ex Scholl. ABL et e codd. Ven. Eton. Townl. Vrat. b receperunt, v. 287 ἀλλ' ὁδ' ἀνὴρ κτλ. in subsidium vocantes. Recte. Wolfius vulgatam ὄγε retinuit.

311. Heynius annotat: „ἀν δ' ἀρχὸς ἔβη Harlej. Land. Barocc. Vrat. A, unus Vindob., alter ἀνὰ in rasura, br. Schol.“ Adstipulatur interpres ap. Bekk. ἀρχηγὸς δὲ ἀνέβη ὁ πολύβουλος Ὀδυσσεύς. Porro proximum versum compara: οἱ μὲν ἔπειτ' ἀναβάντες ἐπέπλεον ὑγρὰ κέλευθα. Ac saepe ἀναβαίνειν de navi ascendenda usurpatur. Od. II. 416. 419. III. 157. IV. 473. 579. 842. IX. 177. 178. 562. XI. 4. 637. Plura adscribere taedet. Accedit symmetria constructionis. Nam post: ἐς δ' .... ἐς δ' .... ἀνὰ δὲ .... quid, quaeso, expectas? nonne ἀνὰ δέ? Quare ἐν δ' rejecto, ἀνὰ δ' substituendum censeo.

342. Schol. A ὁλοιῇσι· πλεονασμῶ τοῦ ἱ. Eandem formam Ven. et hic et II. XXII. 5, porro Hesychius et Etym. M. praebent. In hymno in Ven. v. 225 ὁλοῖόν, in Hes. Theog. v. 591 ὁλώϊον certa lectio est. Nec deest analogia vocum φλοῖόν, ἡγνοίησε, χροίτη, εἶως, χρειώ, δειέλος, νειοῖο. Wolfius vulgatam ὁλοῇσι retinuit, sed Bothius, Spitznerus, Freytagius ὁλοιῇσι merito praetulerunt. Idem suadet Vossius in Sched. critt. I. p. 194.

350. Quid Wolfium impulerit, ut *διν'* scriberet, nescio. *διν'* est lectio Scholl. BL. cod. Ven. et, ut videtur, omnium librorum. Testis adest etiam interpr. ap. Bekk., qui ita locum reddit: *ἐκαθέζετο ἐπὶ τὸν αἰγιαλὸν τῆς λευκῆς θαλάσσης*. Spitznerus comparat Od. VI. 236 *ἔζετ' ἔπειτ' ἀπάνευθε κιῶν ἐπὶ δῖνα θαλάσσης*, et laudat Il. XIII. 281. XIV. 437. Od. XII. 171. Quint. Sm. V. 86.

351 *χεῖρας ὁρεγνὺς* tuentur Il. XV. 371. XXII. 37. Od. IX. 527. Video. Verum, si ea lectio jam in antiquis libris extabat, quaero quid causae fuerit, quod quidam *χ. ἀνασχών*, Zenodotus *χ. ἀναπτὰς* scriberet? Ut libere dicam quid sentiam, *ἀναπτὰς* vera mihi videtur lectio, quam cum non intellexissent seriores critici, non enim meminerant, verba *πετάννυμι* et *πέτομαι* a poetis interdum confundi (conf. Buttm. Gramm. II. v. *πετάννυμι*), in emendationem versi sunt. Atque *ἀνασχών* est eorum, qui non sint ausi nisi syllabatim a vera lectione *ἀναπτὰς* recedere. Sed fuerunt etiam, qui Zenodoti lectionem et recte perspicierent et servarent. Cuius rei testimonio sunt verba interpr. ap. Bekk. *τὰς χεῖρας ἀναπετάσας*. Succurrunt alii loci: Il. IV. 523. XIII. 549. XXI. 115. Od. XI. 392.

381. Schol. A *ἐπεὶ μάλα οἱ φίλος ἦεν*] *Σέλευκός φησιν ἐν τῇ Κυπρία καὶ Κρητικῇ, ἐπεὶ ῥά νύ οἱ φίλος ἦεν. καὶ Θεαγένους δ' οὕτω προφέρεται. ἀπίθανον γὰρ τὸ ὁ δὲ νῦ λίαν φίλος ἦεν*. Habemus hic testimonium antiquissimarum editionum, quae aetate criticos Alexandrinos antecedunt. Quarum auctoritati obsequendum arbitror.

Tres lectiones v. 393 offeruntur: *ἔῃος*, *ἔῃος*, *ἔοῖο*. Hanc Zenodoti lectionem (Schol. A) codd. Cant. Vrat. I. Vindob. praebent, eaque Il. XV. 138. XXIV. 422. 550 reddit. Istam veram et Homericam esse inde colligo, quod poetae Graeci pronomina tertiae personae haud ita raro de prima et altera persona usurparunt. Consule Wolfium in Prolegg. p. 247 seqq. Passov. in lex. v. *ἔός*, *ὅς C*, *σφεῖς*, *σφέτερος*, Schaefer. ad Greg. Cor. p. 470, Spohn. ad Hes. Op. 56. Voss. ad h. in Cer. 103 et in Sched. critt. II. p. 116 seq. Contra duarum aliarum lectionum exigua aut nulla auctoritas est. Nam *ἔῃος* a senioribus demum criticis fictum esse, Buttm. (in lexil. I. p. 85 seq.) demonstravit. *ἔῃος* autem ob hanc causam in locum antiquae lectionis successit, quia Aristophanes et Aristarchus eorumque discipuli vulgarem suae aetatis usum secuti illum antiqui temporis usum reprehenderunt et relegare studuerunt. Itaque in priscis Homeri et Hesiodi carminibus ea, quae leni correctione mutari poterant, mutabant, alia, quae tali mutationi obstabant, pro interpolatis habebant. Inde factum est, ut Il. I. 496 *παῖδός ἐοῦ* (filii sui) de Achille dictum loco non moverent, sed hoc loco *παῖδός ἐοῖο* (tui filii) de eodem Achille prolatum expellerent. Eadem ratio est locorum Il. XIII. 522 et XV. 138, in quibus de Ascalapho sermo est. In priore *υῖος ἐοῖο*, quia pronomina tertiae personae vim habet, toleraverunt, in altero, quia secundae personae, *ἐοῖο*



relegandum esse judicaverunt. Porro Il. 206 nullam aliam ob causam illi critici damnarunt, quam quod σφίσι de altera persona ibi dictum est. Il. X. 398, ubi haec leguntur: φύξιν βουλευοίτε μετὰ σφίσιν, οὐδ' ἐθέλοιτε, alii βουλευούσι et ἐθέλουσι in gratiam regulae suae scripserunt, alii totum versum cum duobus aliis obelo trafixerunt. Il. XIX. 174 σὺ δὲ φρεσὶν ἦσιν ἰανθῆς, quae ante Wolfium vulgata fuit, in φρεσὶ σῆσιν mutaverunt. (Attamen Hesiodus Op. v. 381 dicit: σοὶ δ' εἰ πλούτου ἐέλδεται ἐν φρεσὶν ἦσιν.) Neque Od. I. 402 ad verba δώμασιν οἶσιν ἀνάσσοις deest conjectura δώμασι σοῖσιν, quamquam in hoc quidem exemplo plerique translationem ad alteram personam agnovisse et admisisse videntur. Sed iterum damnant Od. IV. 192 οἶσιν ἐνὶ μεγάροισι nostrae domi et Od. XIII. 320 φρεσὶν ἦσιν mea in mente. Verum hoc temerarium Aristarcheorum iudicium approbare, stultum est. Ipse Wolfius (Prolegg. p. 249) admonet, ne omnia ad barbarismos et soloecismos releganda putes, quae Aristarchus compunxerit. Jam aliae causae accedunt, ex quibus equidem ἐῆος locis supra allatis tollendum esse existimaverim. Nam impudens profecto homo esset Achilles, si cum matre sermocinans „nobilem filium“ ipse se appellaret; neque Il. XXIV. 550 ab Achille „nobilem filium Priami“ Hectorem dici credibile est, quippe quem idem Achilles paulo ante contumeliosissime tractaverit. In tantas ineptias inciderunt grammatici praejudicata sententia decepti! Ac ne id quidem, quod recentiorum criticorum quidam sibi persuaserunt, concedi potest, ἐὺς, ut φίλος, in locum pronominis possessivi succedere posse: quia inter ἐὺς et possessivum nulla profecto notionis cognatio extat, quae sane extat inter φίλος et possessivum. His de causis a Wolfio ἐῆος edente dissideo.

396. Ante Wolfium γὰρ σέο editum est. Aristarcho obtemperans Wolfius γάρ σεο scripsit. At optimo jure Thierschius in Gramm. §. 205. 15 et Spitznerus obloquuntur. Conjunge σέο ἀκουσα εὐχομένης.

400. Φοῖβος Ἀπόλλων, pro Παλλὰς Ἀθήνη, lectio fuit cum aliorum tum Zenodoti. Vide Scholl. BL ad h. l. Scholl. V ad Il. XXI. 444 et Eustathium. Quin etiam Schol. ad Pind. Ol. VIII. 41 et Schol. ad Lycophr. 34, 399 Φοῖβος Ἀπόλλων tamquam vulgatam laudant, illeque addit: οὐχ ὥς ἔνιοι· καὶ Παλλὰς Ἀθήνη. His testimoniis accedunt alia argumenta. Nam veram esse Zenodoti lectionem etiam ex connexu fabulae patet, quam tradunt Scholl. BL. τινὲς δὲ ἀντὶ τοῦ Ἀθήνη γράφουσι καὶ Φοῖβος Ἀπόλλων· τοῦτον γὰρ εἰκὸς ἠχθρευκέναι Διὶ, μὴ φέροντα τὸν Ζῆλον τῆς ἐκείνου τυραννίδος. ὅθεν Ἦραν μὲν δέει, τοὺς δὲ (Neptunum et Apollinem, cf. Il. VII. 452 seq. XXI. 441—457) Λαομέδοντι ὑποτάσσει. Accuratius rem narrant Scholl. AD: Ζεὺς παραλαβὼν τὴν ἐν οὐρανῷ διοίκησιν περισσῶς τῇ παῖδι ἐχρήτο, πολλὰ αὐθάδη διαπρασδόμενος. Ποσειδῶν δὲ καὶ Ἦρα καὶ Ἀπόλλων [καὶ Ἀθηνᾶ] ἐβούλοντο αὐτὸν δῆσαντες ὑποτάξαι. Θέτις δὲ ἀκούσα παρὰ τοῦ πατρὸς



Νηρέως (ἦν γὰρ μάντις) τὴν Διὸς ἐπιβουλὴν ἔσπευσε πρὸς αὐτόν, ἐπαγομένη Αἰγαιῶνα φόβητρον τῶν ἐπιβουλευόντων θεῶν· ἦν δὲ θαλάσσιος δαίμων οὗτος, καὶ τὸν πατέρα Ποσειδῶνα κατεβράβευεν. ἀκούσας δὲ ὁ Ζεὺς Θέτιδος, τὴν μὲν Ἥραν ἐν τοῖς κατ' αὐτοῦ δεσμοῖς ἐκρέμασε, Ποσειδῶνι δὲ καὶ Ἀπόλλωνι τὴν παρὰ Λαομέδοντι ζητείαν ἐψηφίσατο, τῇ δὲ Θέτιδι τὴν Ἀχιλλέως τιμὴν εἰς τὰ μετὰ ταῦτα ἐταμιεύσατο. ἰστορεῖ Δίδυμος. Ex ultimis verbis patet, voces καὶ Ἀθηνᾶ, quas uncis inclusi, a Didymi narratione alienas et a Scholiastis aut a quopiam alio utriusque lectionis conjungendae causa male insertas esse. Nam cum ceteri dii conjurati gravi poena affecti sint, cur Minerva poenas non dedit? Idem elucet ex verbis Scholl. BL et ex iis, quae Schol. V ad II. XXI. 444 animadvertit: ἡθέλησαν γὰρ συνδῆσαι τὸν Διὰ Ποσειδῶνα καὶ Φοῖβος Ἀπόλλων. Confer etiam Pindari et Lycophronis scholias. Qui igitur vulgatam lectionem Παλλὰς Ἀθήνη defendunt, dicant velim, qui factum sit, ut ab Apolline, qui conjurationis expertus fuisset, poenas conjurationis Jupiter repeteret, a Minerva, quae affinis conjurationis fuisset, non repeteret? Restat ut originem vulgatae investigemus. Est verò ea lectio, si quid video, ex argumentatione quadam parum idonea orta, ut multae aliae. Cognoscimus id ex his Scholl. BL verbis: Ζηνόδοτος γράφει Φοῖβος Ἀπόλλων. ἀφαιρεῖται δὲ τὸ πιθανόν· ἐπιτηδες γὰρ τοὺς τοῖς Ἑλληνσι βοηθοῦντας θεοὺς ἡχθρευκέναι Διὶ φησιν, ἵνα μᾶλλον ἀκούοιτο Θέτις. Ita argumentantur isti scholiastae, quasi Homerus illam de coelestium tumultu fabulam ipse finxerit, ac non e prioribus carminibus desumpserit. Neque propterea, quod ii dei, qui nunc Achivis favent, olim Jovi insidiati sint, sed quod Thetis una de diis Jovi opem tulit, suas, Thetidis filii, injurias Jovem persecuturum, Achilles sperat. Jam Lobeckius in Aglaoph. I. p. 287 Zenodoti lectionem praetulit, atque ipse Wolfius (vide Usterium I. p. 144). Cur igitur Wolfius eam non recepit?

428. Wolfius ἀπεβήσατο intactum reliquit. Sed primum mediū aoristum verborum βαίνω et δύω et simplicium et compositorum ubique expellendum esse, hodie inter viros doctos constat. Conf. Thiersch. in Gramm. §. 213, 40. Buttmann. in Gramm. I. §. 96 p. 418. Voss. in Sched. critt. I. p. 202. Spitzner. Freytag. ad h. l. Alterum aoristum commendat non solum codicum optimus quisque, sed etiam Zenodotus. Schol. B ad II. II. 35 ἀπεβήσετο] ὁ μὲν Ζηνόδοτος διὰ τοῦ εἰ γράφει, ὁ καὶ ἄμεινον, οἱ δὲ ἄλλοι διὰ τοῦ αἰ.

435. Male Wolfium vulgatam προέρυσσαν ἐρετμοῖς et servasse et in Praef. novae ed. p. 73 defendisse, tum Spitznerus tum Freytagius demonstrarunt. Satis igitur habeo verba Schol. A adscribere: διὰ τοῦ εἰ, προέρεσαν, οὐ διὰ τοῦ εἰ, προέρυσσαν, καὶ ἡ Ἀργολικὴ καὶ ἡ Σινωπικὴ καὶ ἡ Σωσιγένους. Eustathius ad Od. IX. 73 προερέσσαμεν Aristarchi lectionem fuisse testatur.

447. *ιερήν*, pro *κλειτήν*, revocandum esse arbitror. Nam Schol. A *ιερήν*, οὐ *κλειτήν* Zenodotum et Aristarchum legisse testatur. Cui lectioni opitulantur alii loci: Il. I. 99. 443. Od. XX. 276 *ιερήν* *ἐκατόμβην*, Od. III. 144. XI. 132 *ιεράς* *ἐκατόμβας*. Nec verum videtur, quod affirmat Freytagius, vulgatam maiorem vim habere, et pleniori descriptioni magis convenire.

484. Wolfius vulgatam et Aristarchi lectionem *κατὰ στρατὸν* loco non movit. Sed cum Homeri constans usus *μετὰ στρατὸν* requirat (conf. Voss. p. 209. Spitzner. Freytag.), Ven. cum multis codd. *μετὰ* praebeat, et *κατὰ στρατὸν* sit in castris aut per castra, recentissimi editores *μετὰ* jure reduxerunt. Schol. A quidem in vulgatae auxilium Il. I. 424 *χθιδὸς* *ἔβη κατὰ δαῖτα* vocat, sed illo loco sententiam habet hanc: ut convivii particeps fieret. Conf. Od. III. 106.

522. Schol. A *μή σε]* οὐχὶ *μή σε*, ἀλλὰ *μή τι αἰ' Ἀριστάρχου καὶ αἰ' ἄλλαι* *σχεδὸν* *πᾶσαι διορθώσεις*. καὶ *μήποτε* *ἐκ περισσοῦ* τὸ *τί πρόσκειται*, ὡς ἐπὶ τούτων „*μή τι φόβονδ' ἀγόρευε*“ (Il. V. 252); „*μή τί μεν ἦντε παιδός*“ (Il. VII. 235). „*μή τι σὺ ταῦτα ἕκαστα διείρεο*“ (Il. I. 550). Heynius *μή τι* recepit, cui adsentior.

530. Schol. A *κρατός]* ὅτι *Ζηνόδοτος* γράφει *κρητός*. οὐκ ἔστι δὲ *Ἰακόν*. Mira opinio, cum constet, *ῆ* pro *ᾱ* Jonibus usitatum fuisse. Atque antiquo quidem tempore num nomen *κρῆς* exstiterit, certa testimonia dubitari non sinunt. Il. XVI. 548. Od. XI. 587. Hes. Theog. 574. h. in Cer. 182 *κατὰ κρῆθεν* invenitur\*). Hesychius *κατὰ κρῆθεν]* *κατὰ κεφαλῆς*. Etym. M. *κατακρῆθεν* (l. *κατὰ κρῆθεν*) *κατὰ κρατός*. Inde patet *κρῆθεν* pro genitivo habuisse veteres, locali sensu, neque Hesychius modo et Et. M. id testantur, sed etiam Hesiodus in Scut. v. 7 *ἀπὸ κρῆθεν*, *βλεφάρων τ' ἄπο κυανέων*. Neque ulla extat causa, cur nostrae aetatis grammatici *θεν* pronominibus suffixum (*ἐμέθεν*, *σέθεν*, *ἐθεν*) genitivi terminationem esse affirmant, substantivis vero suffixum negent. Sed *κατὰ κρῆθεν* et *ἀπὸ κρῆθεν*, sive pro genitivo sive pro adverbio habes, eo non minus substantivum *κρῆς* olim extitisse evincitur, quam vel ex formis *ἐξ Αἰσύμηθεν* (Il. VIII. 304), *ἀπ' οὐρανόθεν* (Il. XXI. 199), *ἐξ οὐρανόθεν* (Il. VIII. 19), *ἐξ ἀλόθεν* (Il. XXI. 339), *ἐξ Ἀργόθεν* (Soph. Ant. 106), substantiva *Αἰσῦμη*, *οὐρανός*, *ἄλς*, *Ἄργος* Graecis in usu fuisse manifestum esset, etiam si aliunde non constaret. Sed cum videam *κρῆθεν* ex *κάρηθεν* aut *καρῆθεν* per synopen ortum credi, *κάρηθεν* aut *καρῆθεν* vel uno exemplo comprobatum velim. Reticulum est vero, ex formis, quae non extent, alias formas derivare. Falsa igitur cum

\*) Male *κατάκρηθεν*, aut *κατακρῆθεν* vulgo edi, demonstraverunt Lobeck. ad Phryn. 49. Voss. ad h. in Cer. l. c. Both. et Spitzner. ad Il. XVI. 548.

veris mista sunt in Etym. M. κατακρήθεν (l. κατὰ κρήθεν)] κατὰ κράτος. παρὰ τὸ καρὴ ὀξυνόμενον γίγνεται καρήθεν· καὶ κατὰ συγκοπήν, κρήθεν· καὶ Ἡσίοδος ἀποκρήθεν (l. ἀπὸ κρήθεν) εἶπεν. Deinde Il. XIII. 772. XV. 557. XXII. 411. XXIV. 728. Od. V. 313 hodie quidem κατ' ἄκρης legitur, sed in codicibus multis κατάκρης invenitur, et fuerunt olim critici, qui κατὰ κρης praeferrent. Testis est Schol. A ad XIII. 772 τινὲς δὲ κρης μονοσυλλάβως, ἐπεὶ καὶ κρήθέν φησιν. Ad Od. V. 313 varia lectio κατὰ κρης exhibetur, et non inepte Nitzschius Il. XVI. 392 ἐπὶ κάρ, et Xenoph. Hell. VII. 2, 8 et II κατὰ κεφαλὴν comparat. Porro substantiva κρήδεμνον capitis ligamentum et κρήνη caput aquae a voce κρης sive κρης originem duxisse in aperto est. Accedit denique κρητὸς Zenodotum, quod nemo Zenodotum ex conjectura posuisse putabit. Immo vero aliis etiam locis κρητὸς et cognatas formas in Homericis carminibus antiquitus lectas fuisse, verisimile est. Itaque κρητὸς restituendum esse censeo.

541. Mendum Wolfianae editionis αἰεὶ σοι Spitznerus primus correxit, αἰεὶ τοι revocans.

559. Schol. L πολέας] Ζηνόδοτος πολεῖς. Ad Il. XXI. 131 Schol. A: Ἀρισταρχος πολέας, ἐνιοὶ δὲ πολεῖς et Schol. V πολεῖς] οὕτω τινές. Errare igitur videtur Schol. A, qui ad Il. II. 4 Zenodotum ait πολὺς legisse. Codices et editiones nostrae ubique inter formas πολέας et πολεῖς fluctuant, verumtamen contractae formae in iis major est auctoritas, ac cod. Ven. hic quidem et Il. 4 πολέας, sed Il. XIII. 734. XV. 66. XX. 313. XXI. 59. 131 πολεῖς habet. Vide Spitzn. Atque in prioribus quidem editionibus Wolfius πολεῖς quinque iis locis, quos modo citavi, servavit, in recentissima constantiae causa πολέας substituit. Mihi contrarium placet, ubique πολεῖς scribendum esse censeo.

570. Θεοὶ οὐρανῖνες] Item Il. XVII. 195. XXIV. 612. Od. VII. 242. IX. 15. XIII. 41. Wolfius primus Οὐρανῖνες scripsit, nisi fallor, Urani filios nepotesve deos esse opinatus. Sed om̃i secundum Homerum Oceano geniti sunt, vide Il. XIV. 201 et 302: Ὠκεανὸν τε, θεῶν γένεσιν, καὶ μητέρα Τηθύν, quae verba interpretes Gr. ap. Bekk. ita reddit: Ὠκεανὸν τὸν τῶν θεῶν πατέρα, καὶ μητέρα τὴν τροφόν (l. Τηθύν). Porro vulgarem scripturam οὐρανῖνες, ad quam Freytagius merito rediit, firmant veteres critici. Interpr. Gr. οἱ θεοὶ, inquit, οἱ οὐράνιοι. Hesychius οὐρανῖνας] τοὺς ὑπὸ τοῦ οὐρανοῦ ἀρχὴν τεταγμένους. Aptius dixisset Hesychius, οὐρανῖνας esse eos deos, οἳ οὐρανὸν εὐρὺν ἔχουσιν (Il. XX. 299. XXI. 267. Od. I. 67. IV. 378. 479. V. 169. VI. 150. 243. VII. 209. XI. 133. XII. 344. XIII. 55. XVI. 183. 200. 211. XXII. 39. XXIII. 280), aut qui ἐπουράνιοι appellantur: Il. VI. 129. 131. 527. Od. XVII. 484. Etenim οὐρανῖνες ubique sunt coelicolae, quod eorum causa annoto, qui Il. V. 898 de Titanibus cogitant. Conf. etiam Il. V. 373. XXI. 275.

509. XXIV. 547. Si qui patronymica forma Wolfii opinionem adjuvari putent, non semper terminatio in  $\overline{\tau\omega\nu}$  patronymica est. Nisi forte Vulcanum κυλλοποδῖονα non Jovis, sed Cyllopodi nescio cuius filium esse existimas. Vide Welker. Aesch. Tril. p. 549 et Freytag. ad h. l.

583. Vulgo ἡμῖν legitur, etiam in Wolfii editione. Errat enim Spitznerus, ἡμιν Wolfium dedisse dicens. Sed ἡμιν legendum esse, hodie constat. Vide Bekk. in Censura ed. Wolf. p. 166. Thiersch. in Gramm. §. 205, 18, 2. Spitzner. Freytag.

585. Vulgatam lectionem ἐν χερσὶ jam Heynius relegavit, quem Spitznerus et Freytagius secuti sunt. Cod. Ven. ἐν χειρὶ praebebat, cuius lectionis et gravissimi et plurimi auctores in scholiis extant. A ἐν χειρὶ τίθει] οὕτως αἱ Ἀριστάρχου, ἐν χειρὶ, οὐ πληθυντικῶς ἐν χερσίν. ὁμοίως καὶ ἡ Μασσαλιωτικὴ καὶ ἡ Σωσιγένους καὶ ἡ Ἀριστοφάνους· συνάδει δὲ καὶ τὸ ἐπιφερόμενον „μειδήσασα δὲ παιδὸς ἐδέξατο χειρὶ κύπελλον“ (v. 594). L ἐν χειρὶ τίθει] πᾶσαι ἐνικῶς ἔχουσι τὸ χειρὶ, οὐ πληθυντικῶς. καὶ συνάδει τῷ „ἐδέξατο χειρὶ κύπελλον.“ Recte, quoniam una manus poculo capiando sufficit. Vide etiam II. XXIV. 101 Ἴρη δὲ χρύσειον καλὸν δέπας ἐν χερσὶ θῆκεν. Od. XV. 148 οἶνον ἔχων ἐν χειρὶ μελίφρονα δεξιτερῇφιν, χρυσέω ἐν δέπαϊ. Singularis restituendus est etiam his locis: Od. III. 51. VIII. 406. XIII. 57. XV. 120. XVIII. 152. Contra plurali numero utitur Homerus in re majore: II. I. 441, 446. Confer Vossium p. 220. Male igitur Wolfius h. l. pluralem servavit.

598. Vulgata lectio est ὦνοχόει, quam confirmare omnes codices videntur. Sed quam exigua eorum auctoritas fidesque sit, vel ex hoc uno loco cognoscitur. Nam Schol. A οἰνοχόει] οὕτως οἰνοχόει Ἀρίσταρχος Ἰακῶς· καὶ ἐν τῇ Ἀργολικῇ καὶ Μασσαλιωτικῇ καὶ Ἀντιμαχείῳ καὶ ἐν τῇ Ζηνοδότου καὶ Ἀριστοφάνους. L ὦνοχόει] οἰνοχόει Ἰακῶς πᾶσαι. κατάχρησις δὲ ὁ τρόπος. Tot tantisque auctoribus Wolfius quidem fidem denegavit et hic et Od. XV. 141, sed obsecuti jam sunt Heynius, Spitznerus, Freytagius. Conf. Thiersch. in Gramm. §. 209, 21.

